

ԳԱՐԵԳԻՆ Ա ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՁԵՌՔՈՎ ՕՐՀՆՎԵՑ «ՎԵՐԱԾՆՆԴՅԱՆ ՄՅՈՒՌՈՆԸ»

*«Նա որ օծուի սրանով՝
Վերստին ծննդեան այս իւզով
Դառնայ երկիւղած առ Աստուած
Եւ աներկիւղ ընդդէմ հակառակորդաց»:*

Սեպտեմբերի 8-ին Մայր Աթոռ Ս. Էջմիածնի Մայրավանքում մատուցվող սրբազան Պատարագից հետո, առավոտյան ժամը 11.00-ին, Մայրավանքի մուտքի մոտ տեղադրված բեմահարթակի վրա, ի տես հավատացյալ և ուխտավոր ժողովրդի, բարձրաստիճան պետական ու հոգևոր այրերի, հյուրերի, սկսվեց Սրբալույս Մյուռոնի օրհնության արարողությունը՝ առաջինը Գարեգին Ա Ամենայն Հայոց Կաթողիկոսի գահակալության շրջանում և վերջինը՝ երկրորդ հապարավակում:

Պահը հանդիսավոր է և հուշումնայից:



Մայրավանքի վանգերի և «խորհուրդ խորին» շարակաւնի հնչյունների ուղեկցությամբ Վեհարանից դանդաղաքայլ, Նորին Սրբություն Գարեգին Ա Ամենայն Հայոց Կաթողիկոսի գլխավորությամբ, դեպի Մայր Տաճար է ուղղվում տոնական հանդերձավորված շքախումբը՝ ընդգծելով Ս. Էջմիածնի քրիստական վեհությունն ու զեղեցկությունը:

Վեհափառ Հայրապետը, ուղեկցությամբ տասներկու եպիսկոպոսների և արքեպիսկոպոսների (Երուսաղեմի Հայոց Պատրիարք Թորգոմ

Արք. Մանուկյան, Մեսրոպ Արք. Աշճյան, Եսահան Արք. Սվաճյան, Խաժառկ Արք. Պարսապյան, Վաչե Արք. Հովսեփյան, Գարեգին Արք. Ներսիսյան, Զավեն Արք. Չինչինյան, Տիրան Արք. Կյուրեղյան, Գյուտ Արք. Նազգաշյան, Գրիգորիս Արք. Բունիաթյան, Պարգև Եպս. Մարտիրոսյան, Գիսակ Եպս. Մուրադյան), որոնք խորհրդանշում են Հիսուսի տասներկու առաքյալներին, բարձրանում է բենահարթակ, ուր դրված է Մյուռոնի կաթսան: Արբալան եպիսկոպոսները Ս. Գրքից ընթերցում են համապատասխան հատվածներ՝ Մյուռոնի պատրաստության, նրա հոգևոր խորհրդի և գործածության մասին: Այս վեհափառ Հայրապետը կարդում է Մյուռոնօրհնեքի գլխավոր աղոթքը: Ընթերցվում են Մյուռոնօրհնության երկրորդ և երրորդ աղոթքները:



Մայր Տաճարի լուսարարապետ Հուսիկ արք. Սանթրոսյանի հրավերով կաթսան բացում է մյուռոնօրհնության կնքահայրը: Վեհափառ Հայրապետը հանդիսավոր կերպով կաթսայի մեջ է լցնում 40 անուն ծաղիկների նեկտարներից պատրաստված խառնուրդը և բալասանը, որից հետո, Մեսրոպ Արք. Աշճյանի կողմից ողջույնի և սիրո խոսքով, Արամ Ա Կաթողիկոսի անունից, խառնվում է Մեծի Տանն Կիլիկիո Կաթողիկոսությունից բերված Մյուռոնը: Եկեղեցու զանգերի դողանքների ներքո նոր Մյուռոնին է խառնվում հինը՝ ներծծված Ս. Գրիգոր Լուսավորչի շնչով ու լույսով՝ իբրև Հայ Եկեղեցու հավերժության ու կենսունակության խորհրդանիշ:

Այս վեհափառ Հայրապետը՝ երեք սրբություններով՝ Ս. Կենսափայտով, Ս. Գեղարդով և Ս. Գրիգոր Լուսավորչի աջով երեք անգամ «տեառնագրում» և խառնում է նորաօրհնյալ Մյուռոնը և կարդում վերջին աղոթքը:

Մյուռոնօրհնության արարողության ավարտին Նորին Արքունիքի Գարեգին Ա Կաթողիկոսը իր հայրապետական պատգամը տվեց ներկաներին:

Անդրադառնալով նախորդ օրը տեղի ունեցած նահատակ խորեն Մուրադբեկյանի աճյունի՝ Ս. Գայանե վանքից ի Մայր Տաճար տեղափոխության արարողությանը, Վեհափառ Հայրապետը ջեջտեց, որ իր անդրանիկ մյուռոնօրհնությունը, «որպես խումկ բուրմեճաւտ», ընծայում է նրա «պայծառ և ճանճնող» հիշատակին:



Արքայույս Մյուռոնի օրհնությունն ավարտվեց «Հայր մեր»-ով: Ներկաները իրրև մեկ սիրտ և մեկ հոգի երգեցին Տերունական Աղոթքը:

Արքայան արարողությանը ներկա էին Հայաստանի Հանրապետության նախագահ Լևոն Տեր-Պետրոսյանը՝ տիկնոջ հետ, Ալզգային Ժողովի նախագահ Բաբկեն Արարքցյանը, վարչապետ Հրանտ Բազրատյանը, Սահմանադրական դատարանի նախագահ Գագիկ Հարությունյանը՝ տիկնոջ հետ, Լեոնային Ղարաբաղի նախագահ Ռոբերտ Զոչարյանը, ՀՀ Արտաքին գործոց նախարար Վահան Փափազյանը, Պաշտպանության նախարար Վաչգեն Սարգսյանը, Յինանսնների նախարար Լևոն Բարխուդարյանը, Գիտության և կրթության նախարար Վարդգես Գևունին, Առևտրի, սպասարկումների և սպորտի կոմիտեի նախարար Վահան Մելքոնյանը, Բնապահպանության և ընդերքի նախարար Սուրեն Ավետիսյանը, Տեղեկատվության

նախարար Հրաչյա Թամրալյանը, Տրանսպորտի և հաղորդակցության նախարար Հենրիկ Քոչինյանը, Քաղաղաքաշինության նախարար Ֆելիքս Փիրոսյանը, Արտակարգ իրավիճակների վարչության նախագահ Ստեփան Բադալյանը, Տարածքային կառավարման գծով նախարար Ռուբեն Բարսեղյանը: Հայ եկեղեցական շրջագծից ներս ներկա էին՝ Կիլիկիո կաթողիկոսությունից Տաթև Արք. Սարգսյանը, Մեսրոպ Արք. Աշճյանը, Օջական Եպս. Չոլոյանը, Երուսաղեմի Հայոց Պատրիարք Թորգոմ Արք. Մանուկյանը, Թուրքիո Հայոց Պատրիարքությունից Շահան Արք. Սվաճյանը և Մայր Աթոռ Ս. Էջմիածնի թեմակալ Առաջնորդները: Իսկ դիվանագիտական շրջանակներից՝ Ռուսաստանի արտակարգ և լիազոր դեսպան Անդրեյ Ռոտնովը, Իրանի Իսլամական Հանրապետության արտակարգ և լիազոր դեսպան Համիդեպա Նիքբար Էսֆահանին, Մեծ Բրիտանիայի արտակարգ և լիազոր դեսպան Դեյվիդ Միլլերը, Գերմանիայի արտակարգ և լիազոր դեսպան Տիկ. Կարոլա Մյուլլեր Հոլթբեմիերը, Հունաստանի արտակարգ և լիազոր դեսպան Յակովոս Սպեցիուսը, Վրաստանի արտակարգ և լիազոր դեսպան Գրիգոր Բարամիձեն, ներկայացուցիչներ Միացյալ Նահանգների, Ֆրանսիայի, Եգիպտոսի դեսպանություններից, միջազգային կազմակերպություններից, բարձրաստիճան հյուրեր և պաշտոնյաներ:

Ներկա էին նաև քույր եկեղեցիներից. Ռուսիո Պատրիարքությունից՝ Ալեքսիյ Բ Պատրիարքի ներկայացուցիչ Կոլոմենսկի և Կրուտիցի Միտրոպոլիտ Պիտրիմը, Ինոկենտի Եպիսկոպոսը, Վրաց Պատրիարքությունից՝ Ախալցխայի առաջնորդ Սերգեյ Եպիսկոպոսը, Սաֆարավանքի Տիմոթեոս Վանականը, Անգլիկան Եկեղեցուց՝ Կանոնեսկու Չեթ Գուսմելըրը:

Այստեղ էին աշխարհասփյուռ հայության ավելի քան 15 հազար հավատացյալներ: Արարողությունը լուսաբանելու համար ներկա էին 170 լրագրողներ՝ արտասահմանի, Սփյուռքի և տեղական գործակալություններից ու պարբերականներից: Արարողության ողջ ընթացքը հեռարձակվեց ուղիղ եթերով, ողջ Հայաստանի տարածքում:

Օրվա ընթացքում Սրբալույս Մյուռոնի կաթսան համբուրելու և իրենց ուխտը վերանորոգելու նպատակով Մայրավանք այցելեցին 40 հազարից ավելի հավատացյալներ և ուխտավորներ:

ԹԱՄԱՐ ԳԵՂԱՄՅԱՆ